



***Isključivo za medije, nije službeni dokument**

Biografija

GORDANA TADIĆ - TUŽILAC TUŽILAŠTVA BiH

Gordana Tadić od 29. 09. 2016. godine, po Odluci Visokog sudskog i tužilačkog vijeća Bosne i Hercegovine, obavlja dužnost vršioca dužnosti glavnog tužioca Tužilaštva Bosne i Hercegovine.

Za zamjenika glavnog tužioca Tužilaštva Bosne i Hercegovine imenovana je 07. 07. 2014. godine, a prije toga je obavljala dužnost zamjenika glavnog tužioca Kantonalnog tužilaštva Tuzlanskog kantona od početka 2012. godine do kraja 2013. godine. Dužnost tužioca Kantonalnog tužilaštva Tuzlanskog kantona obavljala je od 2003. do 2011. godine u Odjelu za privredni kriminal, korupciju i utaju poreza. Od 1997. godine do 2003. godine obavljala je dužnost zamjenika općinskog tužioca u Živinicama i radila je na svim vrstama predmeta iz nadležnosti općinskog tužilaštva. Kao stručni saradnik u Općinskom tužilaštvu Živinice je radila od početka 1996. do početka 1997. godine, a od sredine 1995. godine do kraja iste godine radila je kao stručni saradnik u Općinskom sudu u Živinicama, na parničnom referatu. Od 05. 08. 1985. godine do sredine 1995. godine radila je kao samostalni pravni referent sve vrste pravnih poslova u Rudniku mrkog uglja „Đurđevik“ d.o.o. u Đurđeviku.

Diplomirala je na Pravnom fakultetu Univerziteta u Sarajevu 1985. godine, a pravosudni ispit je položila 1995. godine.

Od 1996. do 2016. godine je bila član Općinske izborne komisije Živinice i član Udruženja izbornih zvaničnika Bosne i Hercegovine. Za navedeni period prošla je sve vrste obuka iz raznih oblasti, a posebno iz oblasti koje se odnose na procesuiranje predmeta ratnih zločina.

Za zamjenika rukovodioca Posebnog odjela za ratne zločine Tužilaštva Bosne i Hercegovine i rukovodioca Odsjeka I imenovana je 19. 02. 2014. godine, od kada rukovodi Posebnim odjelom za ratne zločine u Tužilaštvu Bosne i Hercegovine, za rukovodioca Posebnog odjela za ratne zločine imenovana je 25. 08. 2014. godine, nakon izbora za zamjenika glavnog tužioca Tužilaštva Bosne i Hercegovine. Ujedno je uključena u sve aktivnosti vezane za unapređenje rada na predmetima ratnih zločina, vladavine prava i pitanja nekažnjivosti u svrhu održanja mira, kako u Bosni i Hercegovini, tako i u regionu.



Tužilaštvo BiH

